

Text and illustrations: Willem de Vink

# JESU MASSIAH



Lai amrel anrolrem themin

J  
E  
S  
U  
M  
A  
S  
S  
I  
A  
H


WILLEM DE VINK



# Khathlo a...?



Ringroi : Emunopot Ringpuwa trong phur ei (p.5)




Doi : Amana akditpot akthlo ei kung a Ringpuna akthra thou anam Malan akdit.

Ringjee: Ringjee a Ringpuna me eita khathlo a annei khathlo a anruipi te kha nang en nimutu.



Khatalek Vaiya pul : Jesuva aroi ju eiena amava athei khat kho Ngangle ra tui en Madonna Vai. (p.41)

Thingkhar : Jesu atak en ja an that lai anhuina pot aklapotva apot achei ama e Jesu wa aknu jui eienam dhang Vaisha. (p.25, 50)  
Roi ju i : Jesuwa aknu akju i ei. (p.18)



Ring : Jesu en aringkhava akthlan Jew eienna akni enna amilal nava Budon amipang. (p.38-54)

Ache amno Chanring : Jesuso amjou ringchan e Ringpu en aya. Amachunna aktheeta achek khat kho ache amno. (p.23,29-30 and 59)



Malot : Rengpuna kithlotu te a ashonpot trongerna kha Malot ro.(p.58)



Eipna : Tunang mi khat kho, bang noh shalakh o Ringpu en einiep, Nang en alee nithlo ril kila kirompot khat kho anthleng thlen chek angle Ringpuna keieptung. (p.58)

Ringpu Karung hunna ram : Ringpu karung hunna ram e, amana ashon akju i ei kung a am. Lee Aksheng: Jesuta aknu akju i ei angkung a am akdet Ringpuva lee.

Jesu : Ringpuva Asha kupa ming arthawa Ringpuva einikal.  
Messiah : Thao a antaipot kurung, Messi-ha (Hebrew eiwa antrong) Greek eenna Christa ante. (p.52,55)

Ngeen : Nang en Tap a Chuno a trang a Ringpu kung a thameen tong khat kho akung a Rungaie. (p.18,19,42)

Ringsha : Jesu theenata Ringsha. Nikhat awa me einamte akthee nata ring ume. Ringpu en me einamtita akchim aklal eini an tu. (p.53-59)

Enlleing : Jesu en thalei chung a anlenglai belam anam akthar vaikirtu Marvan khat kho thalai kho Ringpuna amtharkertu. (p.57)

Satan : Muu eicheknopot Ringpu khat kho thalai mi ei akjeetme. (akthrano tukho aya)

Alee : Ringpuva amdonpotnata enthleng a akthlo chuche einituril amchangpot dang chu eiphanatu am thlengtupot khashei, satan chu. (p.4)

Ringpuva Asha kupa : Jesu aming Ringpuva Asha kupa vaiya thalai chung a me khat vaiya thleng.





## Jesu Massiha e tunangme ?


Akum akpul enni (2000) va ama a Israella Jesu e louamsha. Eni en amata Jesu Massiha, chuno ah Jesu Christa tia eong, amachun am theiwa ama e kurungsa, chuta ama va kurung khopno Jesu e Ringpuva Asha kupa. Khat kho miwa asha kupa te a eiong. Amachun emtheiwa ama e Ringpu tongna khat kho me tongna ante. Jesu wa amram e Ringjee a ama aringna lam einim thei. Oirilla laitu vaiya aklenrim thamin sha.

## Laiya Jesu

Einiva Eimthronna e Jesu anpoknata emthrontu. Me eienna shapang, uksha, chuno a sakol chung a che ke a loushi e. Europ ei aktambbeb in, che nishuk ei aktambbeb in khat kho akhu tongna Africa ei in Rome a kurung Vaiya pal. Me aktambbeb in pa Majee chekno ei, achuta Israel e Jews ei in anchek. Anma ei Nirikva me te a an ong. Ringpuna nirik Ringjee a trong eini ashon. Ama in Belam anamte ashemker khat kho thalai Misho rulpai akdet. Jesu in kishing beng a einim mu !







## Jesu amlai Israel,

Kurung Hunna Ram: Jerusalem.  
Aram Amul : Galilee, Samaria, Judea.  
Anrol khat kho anthlap kalok beb a  
28,000 km<sup>2</sup> (10,810 Sq. miles)

Akdai ansha : Chang khat a thlan.

Ram Lulok ei : 63 BC, (Before Christ) a  
Rome na Israella anpui.

Aram akpui : Pontius Pilate, Rome  
Govenor in Israella anpui. Tiberias  
Rome in kurung in anma achung a  
anpui.

Amithrunpot : Judaism, Jerusalem a  
Jew ei Rapu thlam am, ochunna  
amithrunpot va thlou. Matheinatu  
thempu khat kho Ringjee nata mi  
kung a mathei na turilla, amthei  
amril (Akthrawaishin) lou am ei.

Trong Mayam : Hebrew (Jew antrong)  
Greek e (Rom in antrong pot) Latin  
(Rome eien antrong pot).






Awa a me tam pullei e jangrilname ?



Nantak inchang ve Ringpu  
Kurung hunna ram  
kha thleng sha !





Nanpunshi Matharnatu shulrashei !



Ringpuna einichaknatu Reipa kha thing kung a amsha...



Akthra akrah enranu theikung anamte tuk ker a mei a kibuktu thla !




Einikho einamte a tan na eilontu thla. Tu ei va thlanna ring eimi.

Akchimpot sha tukhat nakho Ringpu in einimchak nata enpel chekno ume. Achuta kei kiknu a nangta asung apal mathleng akchek tunang me khat thleng.



Nang chan na mathleng di chiliwa nang alee kha yaro. Khat kho tuiya thleng chelei ya inlupro.



Eipekva alee keip peiche khat kho akthar chan matron rosha !



Mi aktambeb inna awakom ma inlup einilou John ta trongsanpa ti a an ong.

Keiwa khalmu a amu vaino mangang eini kung a Ringpu tume einimrom amava ringna l am enim chang me. Ama in nangta lee khat kho mei a enilup tu ochun nangta khalmu thlanna einim thleng tu.



Ochunnata...



Kei dim nangna nilup tupot ang thlo pa ning ro.



Ringpu in akdet kha eeni thlo paningrei.




Pa, Nangtu Ringram kha thlengchu vaisho. Oinang a marwan na ahou khat in ashon.




Marvarn nata ahou khat in ashon...

Oi, Nang kei kishachi keina nangta kirilvol che khat kho khalmu pelshang.








Enlup einithlopot John na akthleng sham Massiha turilla amchangpot e einitu mathronna. Lai sha lai achunna kalokbeb a Rome in kurung vaiya anpui.

Israella ampot Jew eita mayomno ei khat kho namminang te a ammidon me eienna Massiha jatik a thleng tupot me ti a an ngak. Amlui Jew eiwa jeeksher a amidang pot akthleng sham einikal kha ama. Ama Massiha e Ringpuva akchisho inruiya marvarn na ta thlengtu.



Awa komma eniluppot John in Jesu akut mayung a shunna ashon nei...

Anwe thalai chung na alee anamte eini phurpot Ringpuva asha kupa.



Ama in tuiya anlupche Ringpuva Lee in amata ram anka a amrui.



Ama in okhanang a khulon shun nian shuplee (40) yangva am. Okhanang a an amlaiya yang khat kho shano e. Ama thloukha khame te kha shingbeng a munatu bu an shamo a shak in hilla an ngeen.

Ma marvan naturilla, thleiya Ringpuna athlo injakha Jesuna Maa amvar tu tla. Me eita akthee ei aklaa aknang einim lal e Ringpu wa Dang sha.



Emu cheknopot khat kho athlang nung a ampot thalaiya akpallei anthim va akpu, satan in Jesuta amrui.



Oi Pa kei Nangna nishon chu tlotang!





Achuta Satan in Jesu wa amdon nata Ringpuwa thlouchu amthleng naturilla ashul.

Nang in Ringpu Asha kupa vaichelwa Lung e tol Mavairo !

Chuno ! Oinang a enjee a am. Me in tol khop a ringno uu yei- Achuta Ringpu wa anar nata anthrupot trong khan Ring tupot me.



Nang atak tak a Ringpu asha Chelewa Mamuro ! Kurathlam Chungnato Manjamro. Alamva Ringroi eien nang ta nanshongtu te a enjee no me ?

Ma e enjee a am Ringpuwa in shinpi jano!




Nang in atak a kei kung a inkhup a kam thrun chelewa Thalei Chungna akchek amne apumte a nang kung a kamlan uuche!

Keita kamthlaro Satan Ama e enjee a am: Eini in emthrun tupot khat kho aroi eethlotuphu chu Ringpu khop ning.




Ochun nata Satan in Jesuta amthla paei Marvan roi ei in thleng eiya amata roi anthlo.




Jesu in Galilee a athleng lai, Lee akshing in ship. Israel wa akhe tong a am mi tram anchelna ram a Jesu e enrolsha. Ama en ashe in me aktamin amya. Amachun Jesuta thempu eien anshonpot Massiha shatame te a inchoi sei.



Gallil antipot mulla cana a Changvan thlou khat am...



Jesu anuso inruiya arul apai eisho Injao jou ei.







Ochuta anma thloulam alai achallaiya...

Khashame ngaleerah atui thang sha !

Jesu in nankung a thloro nikti potkha thlo paningro !



Anrol pot thlangbel eikha tui mashippaning ve khat kho amachu thloupu kung a matemeisho.



Tui ? Achuta oie nang nganglee rah atuisha ! Yaknang nganglee rah tui me!



Matem ru matem-paningro, Nang in anamte tu akral aktra kha achena pha a nishetu!



Eh?



Oinang e waikhat kho theino mang ang. Oinang changwan kho louyao no ang. Tui chu nganglee ra tui in olsha! Belam tu akral nganglee ra tui sha.

Ochu Nazarat Jesuwa athlousha !

Amchu Tunang me ?



Capanaum Gallil va tuibom a nga manna anringna jon khu khat ei. Achunna Jesu in mima a inthrun a Ringpu va kurung hunna ram rilla trongson amtron!



Onna amatu Mansharim Roiyai akchar.



Peter, akthukpot tui luie ya lonrei, khat kho ochunna turo chu lonri



Prabhu, khulou yanthlang kanni in inshul sung chuta jangkhat kho tukno shung.



Chuta nangna nishon taning va...



Jang me keiwa malotno ang!








James ! John !  
Onna vawe!  
Oiva eiring  
thlun  
eiman tusa!



Prabhu keita keima rosha !  
Alee in shippot kei ang.


**Peter Entrinoro !**



Keknu keiyuiro !




Keknu keiyuiro !  
Keina nangta me shur  
kamvei uuche.





Jesu in aroi jui eische inriuiya Galilee a Seishei, Ringpu kurung hunna ram va lam a anshon. Ama in aknaa aksaa amthrat ei kukshar amnom khat kho mi ei na shalung khou eiya aknu anjui. Anma eichu akthle thle ramnata khat kho. Israel ei khupi Jerusalem nata thleng e. Anma ei in na antrong ril anril lut anral...




Tram tural dangkang eikha anreipok thra alamva anma ta harao anmiphatu.



Trap true eikha anreipak thra, Alamva an mata anmipel tu.



Kei turilla me ei in na manang chut eile anreipak thra, Haraowe Romthok khat kho thlanwe alamwa Ring ram a anma khan khalmu a leen.





Nang kung a namthlo inja kha mansha a nang in thlo ro.



Neanda eikha rilvolro khat kho an maturil la ngeen eiro.



Me ei kung a amil mashok nanoturilla nangna nithlopot akthra chu inruk a.



Eikditpotso inruiya ahnchoulewa ama in man sha a ochu namglung a akthrano thlen nithlo paei.



Eirung mitol meiwa eidikdea sha nang dikdea an chemlewa nirung anamte vaartu achuta meechemno chelewa nirung apumtee in themtu.



Tunang mi khat kho akpu enniva naichi vei chekno, Ochuwa Ringpu chunole eini eidon eikhal.



Tungva natu lano thlengro Ringpu kurung ram hunnatu ril mandonva chuche akhlee va namivat notu.




Nangna kei trong jui chelewa Lungpi chung a enn thlo so intrem. Chuno lewa shitshai chung a enthlo khasha.





Neekehat a Caparnahum a enn khat a Jesu ta me tamkhak ei in na an milompaei...

Eini leet chekno ushame, Ochunna ma tuklai eisho inruiya enn achung a vai aya.



Ochunna ma tuklai eisho inruiya enn achung a vai aya.

Achung a anthlo thlon e yang shame ?



Anma eichu mathlave anma ei va an milot in ship shei.



Nang niklee iep peichi !

Nang niklee kiep peichi ! Kththlo a ochuta nang nitheimi?



ama en Ringputa amnui!

Ringpu khop in mita alee nata aEEP chekning.

Nan niklee keieep peihi eite le lnthou chelai ya seiaro eite e yaknag enna thoiya aklaime ?



Massiha akung alee aEEP achik amidon achuta keina kishon: nantol na tuk-laei kha loucheleiyo sirosha.







Shalung khounasha !


Ama shei sha !

Oie kei shei kichek pei.

Ochunna me an namte in Jesu wa thlon a harao no ei, Jesu in thlon thlona nishing eingak pot kha dharma lulok ei in na ahnnalou am ei akmi inna thlon athlo e Israella va jano !



Ama kupa e akut aktong thee. Chuta akni en amthrat ayame ?



Nikut yamro !



Wow ! Kei trashang !



Ama e emnom natu shut rei.

Jerusalem me aktam en einita enhei a einiching te a lulok en onshon !



Jesu en aroi eisho inruiya Galilee va tuibom a melee antho



Prabhu! Kanikalro !  
Kanni e enphum  
samsung!




Tangrilla entri chounu ?  
Nani namilot kha ram a  
namshei pei?





Ein nemro!  
Inngairo





Tui ralla anma en mulee kha  
andon pei achunna mul la...




RAAAAAAAAH!
















Keina niking a kishonche: Ashana ama en amdonpot a yangkhet kho thlo chekno lung, Apana athlo ru khata amana athlo. Keina kei kamdon pot a thlono ang achuta keiwa kipava amdon pot keita kamthla kha amasha.




Mi hou mila theinano aram a toi toi a shei a Jesuna angeen.



Khulou thlang angen che Jesu en ama aroie somlee enni (12) acharpaie. Ama en enni enni amthla ei. Amna en akna aksha khat kho kushar ei achung a polnatu akchik amne amshil lei.



Anma ei e unao Peter khat kho Andrew ei...



Unao James le John...



Philip le Nathanael



Thomas Mathew (Rome  
basbeh amachun mansha a vei)



Thaddaeus aktha James...



Simon Injomma annakpi  
khat kho Judas Iskariot.



Shevee. nannita nanmilut ankung  
a keita kanlo ang, khut kho keita keilon  
kamlut eikhanna kei ta kamthleng  
khata amilot.



Noona thlouthlo somliya anni (12)  
shalung khounaso enleng shei  
e aknu a Jesu en anmaso enruiya  
achikna amphom a ansha  
inyasha achuta mayam en an  
mata mathla no shei.

Emchun tupot shang nimwa tam  
khak achuta amchutopot miwa  
thlom peing. Loupu kung a  
thlou thlonatu ngeenve.





Jesu en trong aшон khat kho kana kashakho amthrat. Chuta chuta oi anthing...

Philip miyam ei enna khatlo a shakphu eiphatu ? Chunole shakte anmatu shakphu nangen malanno uucheme ?



Ak-ampot shak-te ennavam mayam eie bangno usha.

Tol apum ranga khat kho nga enni (2) ru don kupasha nao khatva am. Oikhop ning sha.

Me sopnga sopnga 50/50 enboknatu son ro.




Jesu en Ringputa adon chuche...

Tol khat kho nga rangachu akhoie paei.







Jesu en shakpu ashem en mi lesing ralla sha anphapie...



Akhleng shan Massiha ante chu ama e barah.

Eini enna ama e kurung mavairei!



Anve anleipot chu luktong somlei enni (12) khuk inlui.



Eipek e me ei enna enleng lai talsha nanni en mulee chu lou a akhle khan Maseiva. Keiwa mul lenna kingennatu enma tari ang.








Jesu e kurung ante enya mekho am ei. Ama en eini ching Rome ei kurung athlo akhal nata eini kalto te a ammidon Jesu andokho mi mashing tam shei. An ma en toiya Jesu alapot jonkho anralpei, chuche Jesu atak e anmilal che manom kho andit.



Prabhu Nang lek a thleng cheme onna?

Keina kamlan pot tol kharilla nakjonangme?



Akmangtupot shakphu rilla lano thlang ro achuta ache amno chanring na shakphu turilla trang a sulrei.



Keiwa ringnatutol khashang kei kirung e thlei turilla kamlan chou.



Oinang me en khatthlo a ama arungta shakphu turil emlan tupot mu ?

Waino tupot!



Thlengve enthourashei !


Me eita ama en waino atrong na.



Nanniwa enthou enda choume?

Prabhu, Kanni e tukung a sheitu uung? Nang kung a Ringatu trong am!







Jerusalem khupee apalla me eita entong entring a onthat.  
Rome eien anpepot maral aknu yui a anma e khalmu trang a  
thing khar a akut jam a anthat.



Tunang mi khat en kei kiknu  
ayui enyale atak akrou a endaso,  
achuta ama thingkhar lou  
a kiknu juiso.



Arung ankal enyawa, ama en  
mangtu, achuta keiturilla  
amachu mamangle amava  
aphatu.



Ringpu khat ning nang  
en niromtupot



Nang en nithlo tuphowa, nang en nidon nikhal so inruiya  
Ringpu rilvolro, khat kho nitak talnang a me eikho rilvolro!







Ama lai achunna Israel a reiche raithak lou am me. Ama eitak wun na khalmu a entrina laina khat, okhanang kannu eikha akthle thle so inchun enkeie jano.



An ma en nga anshei laiya anma thleng si te e anrom ruilla trang a enong sheie.

**Reiche Raithak!  
Reiche Raithak!**



Jesu Prabhu kannita kanrilvolro.







Thempu kung a sheive.



Nan ni anna turilla ma an eiro?

Einita einimthrat tupot chu oishame ?



Eh?

!




Anve ! Kei trangsha !



Kanni trasang !

Oi !



Halleluyah !  
Rengpu e  
thrasha!  
kampokche!



Kathrat kha me shom (10) no choume ? Akthlei eibola? Anma eiwa Ringpu don thleng no eime?



Enthourousha! Nang en namlot khanna, thra khopno a kithluk pieche.



Jerusalem a ampot Jews e  
lulok eien Jesu en ashei  
alonna rilla ama  
akjee tu me enruk a  
anmithla. An  
ma eie lom e anda akjeet  
tu meshei.

Rome eisho inruijon, akhra  
thlou te amno pot te wa  
kuchano kumei makshei  
baobeh khom so inruijou ei.

Massiha e mang a am eita  
kalna turilla thleng.




Alamva Jesu enna Ringpuni  
a akna aksha me eita amtrat  
ei...

**Thrasha !**



amanakho andepot nao a  
arillut aral....

Andipot nao eikha kei kung  
a thleng eisho. Ringpu  
kurung hunna Ram kha  
oinang a ande pot nao  
ieturil no.





Jerusalem wa akung a akampot khu, Bethany a Jesuta an ong Lazarus e an mishil. Lazarus khai kho amava a uute enni Martha khat kho Mary anma e tesuso ennaiya toi-a inpajjou e Jesu Bethany apha laie Lazarus athee che anphum niyan manglee (4) lesa te e atheien.



Prabhu, nang onna amchelewa kanni kannao kha theeno tupot ta !



Martha nang ninao kupa !



Oie keikho kirom. Juktol a anring tehan amakho soino a injaotu.



Keiwa ring khat kho eiring thlun khashang kei kamlot khamna Ringtu. Martha ochu nang va namlot me ?



Oie Prabhu! Trongeerna Ringpuwa asha kupa thalei chung a thleng tupot Einithlok akpu chu nang che te e keina me?



Amachu ram ma an phum me ?

Va a kan ni anro Prabhu !





Anwe ama en atak a amata orilve

Amachu ta Lazarus chu thee nata khat achule u mang me ?



Ama lung a enshempot rushun en na akthu kha punna tum ma anshei.

Lungkha lou-we.




Prabhu, amachu miyan malle (4) te sha amrem am uusha.


Nang en Ringpu salung khouna nimutu.



Pa, Mi eienna keita nangna namthla ang te romna turilla, malotna turilla keina outa kishon che.




Lazarus, Enthru rosha !



Punkha sutvesha chuche amata mashei ve.







Jerusalem ei lulok Jesu khat kho ama oknu  
jui, eita ralla mandon amitron.



Kupa kha ralla salung khouna  
thlon tam am pang pie.

Eint en opinang ta  
athlou mashi malewa  
Rome en danty  
apiktu.


Ama en eini matrunna  
thlan khat kho ram  
ankhoie tungai !



Natuang lungning ka-khan,  
noi kandih heijuimei ti maan  
ngam mei khang suang, mei  
akhat thei mei rui gay e.



Oinang en alam vaiya,  
Jews e eithat tu tula.




Ama lai chun matronna Jews  
eie lulok eien Jesua sur a Rome a  
mashil natu tancha sernatu  
jonna amshei. Theenatu  
amral amlanchek e an ma  
khop ningeie.



Jesu en Bethany a amlaiya...



Mary!




Anrem tuichu khalma chalpot!



Amachu anran anring kung a baobeh nawaiya enlam en ralla tratu.



Judas, akung a donnoro. Kei kirung e amana theehui natu amchang rilna.





Emlalna budon chu naisha.  
Me aktam en Jerusalem a shie she.



Jerusalem a Jesuta anshur natu  
lulok eienna anshil anlangpei.  
Ochushalakho amava khupi  
khubom ashung a lutsha.







Miyam en amata harao romthoka anlousoung.


Enthoro!

Enthoro!



Ringpuva akming a akthleng nang sot a ring naisho!

Israel eiwa kurung?



Thalei na anamte en ama kung a aknu anjue.

Oimang e einina tiklai a kho entukpino usame.



Khupiwa alaitalla ampot mathrunna thammi reinamte tu mathrunna.



Malalna budon ani enna sadomte anthat.



Sadomte e thalei mile Ringpu enpot arui khata waikhat majom natu te amathrunna thmwa thilkung a ankot.



Sadamte thelung a thlenna eikat en ini alee e enep eichekme ?





Mathruna thlamwa ama mi eienna baobeh achoie khoie enna athlon khalmu chillei.




Jesu akroie a ama....











Eine en amata chut malewa, anamta sur chek aya.

Achuta budon khawano, alamva malalnawa bodon laiya mi eienna enshuk enhal einiem dinome.



Amaturilla nanni en kei kung a tikcha namilon tung ?

Achuwa anma roi jui Judas sha !



Kei en nankung a Jesuta kamshil eesha chou !




Nai chei khat wa aman vaiya kanni en nukung a Jesu turilla seil seepthum (30) kanpek uche.





Lulok eienna anmata akla a thlaknatu seel seilakho. Budon tu nishing nikhat awat laiya akni in mathreenna thlamma mi eita mathei a ama lai arilna.



Maralna budon turilla, kholou chu Jesu en aroie somleiya enni (12) so insuiya enbom eie.



Meen khulon keina amachu kithlotu!







Keina akla a kithlakno lai nanniso budon a sajon enjou kingak.



Lulok eita akthle ei en roie anthlo achuta nang kung a wa entheng tu.



Einamte ta roie eini thlo khanna nangnitu lulok vaitu.



Nanni nankar a keima roie kamlanchu.







Prabhu, nang en nailhi nang a keikunga...

Peter, Keina nangta namchal no angle va nang kei turil noche.



Prabhu, kei kelu khat kho kikei kho kei cham robah

Tui inshil chi mikhawa ake a khopno a akthei eichamphu am no.




Nanni en keita chemma Prabhu khat kho phalangki nan ong ang e. Nanni nanke a keina kicham taning chouwa, oinang a nanni khat le khat ron enthlo eve.



Nanni namkor a enkhat en keita kan mishil ushang.

Keinara ?

Waino tupot !



Judas, nangna nithlo phukha entha a mathlungna tu thlo rosha!








Kei mandon na vaiya injom ma thloveno...



Tol le lou a kei kirung sha !



Buling e louwe, nanni turilla amthlakpot kei thee sa oiso inruiya Ringpu khat kho nanniso akthar trongerna khat simna turilnasa.



Nanni khatle khat rilvol choulewa akthlei ei enna nannita kei kiroijeet chou, te a name dontu.



Nanni khatle khat rilvolchoule va mieien nannita Kei kiroijuichou nantih tu.



Prabhu, nang en nishena aram khan keikho kijui uche. Nang turilla kei kirang e kamlan uche.

Peter, Arkhongpa en waitlum ankhung no mil keita kanda uche.



Ochunang a khulon chunna, Jesu en ama aroi eisho inruiya keithil an mithlapaei. Judas wa achuna injaono sha.

Keina nannita kima ushachou, achuta Pa en nannita Lee akshing en nanmi shiptu. Ama en nannita nanmijomtu khat kho lai rilla nanem ruitu.

Keina kisei nasam aram e ninikho namrom.

Lamkho, akchimkho, ak ringkhakho kei ang. Keino awa pa Ringpuva akung a thleng cheknotu.

Nanni onna amwi, ngennatu kei mangsha a loushei shang.


Pa ! oinang e vaitupot a am leiwa aklapot e kei kungnata lourosha.

Ochusalakho, Keina kamdonpot a waino a nangna namdonpot a waishono !





Oinang lai enna nanni en enchoi e jang rilname? Enthou wa ! Keita kamishil na laikha onna thlung sa.



Keina kamcho potkha shurwi.



Hallo Prabhu,

Judas, Massiha ta nang en macho a namsil peime?



Prabhu kanni enshulpi aya ume.



Ngano !



Jesu en atakta amitrat ei, ama roijui eikha aram akthei thleiya enthek a thlamshui.



Jesu ta Jews eie lulok thempukung a anthlem paei.  
Peter khat kho John na en labele a seralla angjee.



Peter en mi enbomna a lutsha.



Amaso inloujou kha nang  
nocheme ?



Ngano ! ama kupa  
kha keiva romno  
lung ang.

Nang kho amkar a khat  
nochime ?



Ngano !

Keina kisonchei ! Nangkho akar nache  
che Galilee na miche.



Nangna nishon  
kha keiwa rom  
no lung ang.






Aarkhongpa inkhung sa



Nga athlou mashee a amshei



Nang e tuna namkhon me? kanni kung kanshon ro



Yukting a Jesuta Jews ei lulok an kung a anshu paie.

Nang Ringpu Ashacheme ?

Nangna nishon paei



Enthlung a ashon ning ! Ama en athee amdon en, Rome eienna ama kung maphang eisho!



Jesu e Rome va Governor, Pilat ei wa akung a anthlen pei. Jews lulok eienna akan ei mi kung a an mishon nei. Amo en amralkhalmu a am mi vaipei.



Nang nimal ei kung a nang en yang nishon injamu? Jangkhat kho am no me?




Nang yangta nithlo paima ?

Keien akchim lamshi madongnatu thleng ang.



Akchim chu jang shame?



Kei en akung a amral tukno ang, oie amilal nawa budon s, kei en tuta kamthla tu; Barabbas chumole Jew eiwa kurung.








Barabbas !

Barabbas !



Achuta Jesu akung keina jang mathlo nanni en nandet me ?

Amata kut jamma that ve.

Atak en ama kurung ang ate !

Nangna amata mathla cheleva, nangva Caesar va arulno chi.



Ama angut a nangva namdon thlung a seirosha.

Barabbas ta amithlapei ama en ama e mithat va amral ampot.



...37,38,39 !




Ama athee a kei kimral amno.



Khalmu romthak a, kisonche Jew ei kurung !





Anwe keepa e !


Amata kut jamve !

Amata that ve !


Amata akut jamve !




Pilat en ja a soi athlopei kut jam a that te e tuna turilla khalmu enthree khopnosh. Jesu en Jerusalem ei lam a atakta waipot khut lai thingkhar kha phur a shei.



Akshukpot e keithil wa akomnosa. Oie Golgotha antinawa lukangwa amphom te a am ong.



Seepai enna Jesuta thingkhar a jotpi anhempe.










Thing khar kha trong enthum (3) a "Jesu Jew eitu kurung" te a magee a antar.



Jesu en akthur pot tui a mien.



Nang en Ringpu asha kupa vaichelewa thing khar nata trum ro khame.



Chim ama en akthlei thlei eita akal khame.



Nang Ringpu asha kupasha chelewa thing khar nata thram ro khami !

Netekho enthlokro kannikho kanithlokro.

Ringputa enja siro. Einiwa einien eiphatu phu rilla eipha, chuta kupa eiwa amral amno lung.



Nang kurung hunna ram nipha laiya keikho kamdon rono !



Kei en kishonchek, meen tallen nang kisho enruiya paradisa.




Apha 12 yang chang a nikho awar am no a enthim anamte enthem.



Jesuva anu Marry, khat kho ama roi jui John en thengkhar a ennger.

Eipikva nanni khat kho nusha chou.



Kei Ringpu, Kei Ringpu, Jangril keita nam thla angme ?



Kei e ral sang-i !



Pa kei Lee e niking a kamshil peiche.




Oinang a...Chesha.





Kini sun jaie aknu pung enthum (3) khek a Jesu theesha. Shephaei khat in Jesu apang nem a kuksheiya ashun en; Thee khat kho tui entru.



Nerik a enjee nang a "Ama e eithat tu phu sadamte khat nang imratpei.



"Eini eilee tevilla amata jotpi hem a ankhoie pei." Oinang a ama e theesha.




Thengtu antepot Massiha chu oinome?



Arimathia na Joshep khat kho Nicodemus en Jesu arungchu anlopei. Ama en Jesuta linen wa bula punna an tu mehe anrolpot lungpi khat a anmibaie pot amphom khat a anshie.



Thlengwe sha, ayalewa eini en amata Eipum na turil enyana thlemnatu reie rei.






Budonna thloulam khat vaiya anipang che aknu a kumei maipam en rusunna trap a shei shei.



Lungpi chu enlat a lou am !

Akthree akar a yangrilla nanni en akthreeta nanjon me ? Amava ringsa sheichoulaya ama roi-jui ei kung a shorve.



Ochu ontheien Peter khat kho John na rushunna thlanna shei e.





Nga enthlo a yang shame ?

Oiva thangh sakha mi !










Akni achunna amdon thlungno Jesu va aknu jui.enni en anthru e aksupot khawa amram a trong entellaiya seiashei.

Nang thempu eita malot no cheme ?  
Massiha en amawa achek akmnei a lutna turil akla entukno u-choume ?  
Oinang a Ringjee a enjee a am!



Enrom loulung a budonva akthleng khat mang sa...

Ochuta khatva Jesu talso!



Anma en khalmu entha a Jesuwa akthlei roijui eita yonna turilla shee shei.

Kanni en Prabhu kanmupei !

Mary khat kho Peter kho am !



Inrom lou-lung a!

Dai veisha !



Kei shang te e Malotno chou-nei?



Kei kike kikut kei anve !





Niyan Suplee e Jesu in  
ama roijui ei Kung a  
amimu ama in Naikhat  
ru a mi aroi Reiya rang  
kung a ammu. Naikhat ni  
aroi e shakte eien Galillee  
wa tuibom a Nga anshur.

Nannitu Veiya Shakphu enphu  
Jang nanshi me?

Chuno kanni  
Yangkhat Kho tukno  
mang ee-ng.



Salung Khounasha  
yaknang a phom  
a lonro.

Oi Prabhusha!  
Prabhu !




Nang turo kha akthei  
am phom a lonro.

Prabhu!




Nang Keiso Shajon  
enjon natu thleng  
u-cheme?





Peter atak-tak-a nang en keita niril envol lang-me?




Jesu en peter kung ama trong talle weithum khek aruie.



Oie Prabhu! Keina nangta kirivol che te e nangna nikromtung.



Keiwa Sadamte e Keishel-ro!



Keknu Keijuro

Alamva thalei chung a ampot akchet amni apumte a kei kung a kamsil pajang. Achuna shea chouliya jat anamtela roi-jui shmve, anmata ripa, ashakupa, khat kho Lee akshing va Ringpuva ming a tui a lup we, keina nanni kung a kamshilpot trong thum kha mayui natu rilla anmata matheive.


Thaleiwa achim pha a keina nanita kamrui u-chou te e mandon we.



Trong eiche akmu a Jesu en thalei am thla pei. Khat kho marvan Rinram a hanlopi. Achuta ama en me eita chim chimno, annaturilla weikhat kei enlung tung te a ama.



Ama roijui eienna Jerusalem a ngeenso inruiya an-ngak-Ringpuwa Lee akshing en an ma eikha shiep shei. Jesu kung a am lee khanna anmate anmirui. Antrangpot entru a Jesu ta semnaturilla an-ma-ta antrang anthun neie.




Akthee en Jesuta sur chekno. Ringpu en amata akring mavieya Prabhu, Massiha am amvaipie.

Jesu aknu jui een ayano pot a anma shei.

Ringpuva asha Kupa !



Olnang thamin e Sherjee va apalla anran.




Ama en thing khar a athee laiya einiwa akle kha ama en aphurpie. Oshunna ini alee a thee-shame khat kho eipek nata Ringpu en akdet pot lamshei a ring sha me.

Eipik a thaleiya anpot Jesuva aknu jui eienna pulla angeen jou khat kho Ringjee anpajou. Anma en tol khoiya khat kho nanglira tui anlojou. Anma amilung a ampot Ringpu arilvole a ama akhunga akampot ei kunga khan anpha jouna turilla Ringpu en akdit.



Meinna veina turilla, vasu en  
Ringpu va alam einichem.



Jesu en einita einiringvol!  
Domro khat kho amata  
matrum ro !



Ringpu en thalai apum eita tikcha pha aril volme achuwa amatu  
khat theik ru am asha kupa einimlan amata amlot eienna akmang  
amno a achu dongno a ring eipha naturil.




## Ringjee

Ringjee a Jesuwa thamin trong la enjee a am. Rinjee chung a akral akthle nirik a enjomna pono mang me. Oinang nirile aktam a shippot niriksha ama e anmi jee laiya kum 1500, akpul khat reiya ranga lut ei. Ringjee en anamte akar a chem te a anrom e kum 1900 akpul khat reiya kuu, aral paie. Onna Ringpukha thlo a thalei me en anring thlunna Ringpu enjaome te pot thamen kha khalmu thra a injao Ringpu tunang mu te e Jesu va athamen en ki-sheng -a-mu-rom eipha einimmu.

## Jesuwa Thamein.

Ringjee a Jesuwa aringthlun thamen einimmu nirik malee (4) am. An ma ei anjee pa wa aknu jui a aming athol amjee pot e ei Jesu en amlai ya am.

1. Matthei :- Jesuwa aroi-jue khat ama e baobeh machun thlo athlo. Jesu en khathlo a Israel Jew e mi e kung a einim rui tewa amram a enimthai.
2. Mark :- Eipik phao naolon khat vaiya Jesu en amfang thalung khouna thlou yam chu anai enthrasha.
3. Luke :- Luke ante me e akna kasha an pot Doctor. Atak nawa Jesu e louyonno. Ochunang a khathlo a Jesu en me eisho inrui eine te a Luke en amthei.
4. John :- Jesuwa aknu jui. Jesu e tume te e amana sing a amu vaie enimmu, meieta an ma alee nata amedonpot amthlung, thalaina me akveipot Ringpu chu Jesu sha te e amana ason.





## Jesu Anpokna

Jesu en anpok laiya Jesu am Mary e luhongno mang ama rungak mang. Achusalakho, Jesuta poknatu Ringpan athlou e amchang paie. Oinang salung khouna e Jesu en anpok natu ama a nirek a madong a louamsha. Jesu en aktrang pot chuno a aktei khat akthei khat vaiya enpokno. Ama mi thlungna thlam amnopot a khalmu thra a pok.

## Jesuva Salung Khouna Thouyam

Jesu en salung khouna thlon tam athlo. Ringrei ya kana kasha amthrat suplee (40) achung a ralla amtrat onna alam vaiya Jesuen Ringpuva akchak khat kho rihol me eita hamarao maturilla khat le khat injom natu einim mu.





## Jesu Thee Khat Kho Ring



Jesu jangril theem alamva Ringjee a anamte enjee a am.

Khat khono laiya, aklal pot anthlo Ringpu en andopot khat kho amata amlung hangnatu chuno a mathlan nano e eithlo. Oinang e alee eita oinang alee eienna.

Che me eienim lah.

Ochurilla Jesu en thleng. Eini alee tu phaphu kha atak en jaa a ama en aphur. Amakha va alee tu phaphuva thee khari. Jesu athee einina veikhat enleng a rutpai vei einimja. Achuta eini na ei thlopot aklal khaturillava kan ni kanlal eitudu thla.

Jesu en thee nata ringsa. Ringpu en amata vaikhat amring. Ochunna Ringpu e thee chung a ralla akchek amnei am te-e einim me. Jesu eipik Ringpuso amjonsa, ama en aring e eimitu niriktu rul vai aja. Ringpu kung romthok ring lamshei vainatu lam a eishienatu ama en einita einimjon akdet.

## Ngeen

“Rilrol Ringpu ! nangen keita ningsilvol.

Nangta khatlek ruvai nisha kupa Jesutanimlam uung.

Keina kithlopot aklal eiturilla ama en thing khar a thieso.

Nimlungei khanna keiva kital pot e keiepro kei kitalpie.

Jesu en kei komna am rilla !

Kampak che, kei nangta vai kikdit !

Nangna nikdit a Ring kichekna turilla nang na keita namjom tung mi ?

Keiso inruija nga amno ucheme ?

Keina kingeen nikthei angrilla kampak che nitrong thum kampha natu kamjomro.”



# Jesu Khat Kho Nang

Jesu va athamin achina amno. Jesu e einamte tu reel vaie. Eipik kho veimang thalai e en-ol-sa. Me eien sapang chung a seino shei. Achuta car chunole aroplane a shushei achuta. Oinang enna Jesu wa jang khat kho athlei na amno. Ama en Israelso shei lon jou nang a eini kung a kho vai aya. Amava muna aya achuta atak ka-a me en nangso rul pai mavai akdet. Nang en thei rungai khat klho rilvel aya nang en Jesuva amram a khat kho nam aruiya ralla nirom enjame?

Chuleva athlang na e Juiro:

1. Nitak turilla Ringjee pa matronrosha.
2. Ngeen matronrosha (Ringpuso thamen tong khat kho akung a rungai-trong akthei huina athlon thlano)
3. Ringjee khatkho Jesuva amram a mikung a thamin tongve Jesu enna ama aknu jui eita khat le khat enchunna khat kho inom jou a ama amram ralla tam akdit.



Publisher : KRISTALAYA MERCY MISSION

Printed : Kristalaya Printers

Text and illustrations : Willem de vink

Copyright 1993 Stitching Wereldtaal, Houten, The Netherlands,

Published in Dutch as " Jesus Messias". Edition in Tarao 2020 : ISBN : - 978-90-73150-935

Digital copyright under the terms of the Creative commons BY-SA licence.

All right of translation, reproduction and adaptation reserved for all countries.

Worldwide co-edition organized and produced by: Wycliffe Netherlands,

E-mail : jmpbnortheast@gmail.com



## Massiha Jesu

Oie Massiha Jesuwa akshing thamen. Ama e Israella kum 2000 ama a am. Amata antukpi eie kunga amchallei. Ama en athlo nang a tukhat nakho thlono mang ei. Ama en ashon nang a tukhat nakho sonno eie. Jesu en amna aram eiya shalung khouna thlonso inrui e. Akung a anril lut ei me ei kung a harao romthok anthlengpi. Achuta inromlon a achena a thleng. Amava anda eienna amata akla aknang a ami thlek. Ochuta amakha achina voino. Nang en nipah-che- Jesu thamin e khathlo a enthlo me khat kho khathlo a athleng a shei sha te kha anro!



Language : Tarao

ISBN : 978-90-73150-928